


KITIKMEONI KOAPARESEYOYOMI

IKHIVAOTALEOP UNIPKAGIT

Aepagotoagagat Katimakyoakniga Kitikmeoni Inuit Katimayet



KITIKMEOT
CORPORATION

ᑭᑭᑭᑭᑭᑭᑭᑭ ᑭᑭᑭᑭᑭᑭᑭᑭ

APITILIRVIA 16, 2022



Koanakut KIA-kut
katimayenik
hivolikhoktinik
pivikhakaktinmanga
pipkageagani unipkaga.

DAVID OMILGOITOK

QITIQMIUT KUAPARIISIUYUMI IKHIVAUTALIK TUKIMUAKTITIYILU



Koveahoktoga kaoyipkagomavlogit katimayit amihonik holiveoyokhak iglokpae agiyomik hanayaohimaliktut...

Kitikmeoni Pikotini Pivaleayotini

Katimayit itkaeneakot kigolikmi kanogilinigagut okaotaoyoni, KC-kut ilagija Kitikmeoni Nonami Pikotikaktut Timeoyok (KRPI) amihonik havakakhimayut atoktonik. Amihonik holivikhaoyok iglokpak Taloyoani Kugakyokmilu, malguknik oegoligeknik iglokpaknik Ikaloktuteami notagoktikniganik utogak Nonalikiyit Titigakveat Kokloktumi.

Koveahoktoga kaoyipkageagani katimayit una amihonik holivikhat agiyomik havagiyaothimaliktut, nalaomavlotik maniknik atoknikhaenik nahogiyaoyolo inigeagani Hikutirviami 2022-mi. Hilataet iglokpae tamaeta iniqyokiliktut tayalo aolokotikakvet algoyaktutikakvelo atoktukhat ileogaktaoliktut. Kigolikmi hanahakyat iniktigeagani tikineaktut aoyami umeakut titigakvikmilu ikhivaotakhat ikpatilo pikotivaloet atoktukhat Nonakakaktuni Aolaktigeagani Hivonikhhamut Taloyoami amihonik holikhami iglokpakmi.

Malguk oegoligek iglokpak Ikaloktuteami inigektaoyuk hanayaoligeagani nogolikat Apitilirvia. Hanayakhat tikihimayut NSSI-konit umeakot akyoatimit nutaohimaliktolo uheyakvikhamut nonamut. Tungavikhat iliyaohimaliktut iglokpaklo nahogiyaoyok Qiqailruq 31-mi 2023-mi iniktigeagani ubloani. Tamaeta iglut atoktitaoneaktut Kitikmeoni Inuit Katimayenut (KIA) havaktut iglokhaenik.

Otokak Nonalikiyit Titigakveat notaguktikniganik upalogaeyaot inikhimaliktok. Ukateakhimayok kanoginikha agiktaohimaliktok hivonikhami atoktukhanik ihoakotikhaniklo manikhakhanik tikoaktaohima-likut akiliktutaoyagani notaguktiknigagut akitoniginik. KRPI-kot taya havakatikaktut NCCD-koni iniktigeagani akitonikhaet ilagininik hanayotit unakotilikiyotini algoyaktutininiku nutaguktikniginik iglokpae. Amigaetkiyat igluqpiyotikhanik hanayakhanik neovigektaoyut tikihimalikhotiklu 2022-mi aoyami umeakut.

Tulaekakvik atoktuk Monagiyagani Havakhiyotaoyok

Atolihami uvani ukeomi, Kavamat Kanatami tonihihimayut saivanik (7) ukeoni havakhiyotimik aolapkageagani monagiyaganilo Ukeoktaktomi Tulaekakvik Nasittuq Koapareseoyomut. Una havakhiyut akitonikaktok 592-mileatalamik ilagealaktoklo uvoga hitamanut ilageagotiniq malgukni ukeokni atolaktokni.

Katimayut kaoyimayanik, Nasittuq Koapareseoyok amigaenikhanit Inoenaknit nanminigiyaoyok koapareseoyok Kitikmeot Koapareseoyok ilaoyotikakhoni uvuna ikinikhanit ilaoyotikaktonik Homilika Ukeoktaktomi Naonaeyaotilikiyit Koapareseoyomi. Atoligomayaoyok toniyaoyok Nasittuq-konit uktotiniq havaohikmit malgukni ukeokni ihoakhaktaohimayok ukoalo Inuit pivaleanikut koapareseoyok ilaoniganit. Una atoligomayaoyok okateakhimayok tonikhuyut pigiagotaoyok aolavaleayagani hanayotiniq manikhakheogotiniq ikayuheakhat Nasittuq-mit Nonavumi nonataqataohimayonut ihomaleogunmi piyotaoloaktok toniyaoniganik una havakhiyotaoyok.

Koveahoktogut kaoyipkageagani Katimayit Nasittuq pihimayut aolanigagut havaohiqmik NWS-mi Qittiqqautijjuq talvani ukeomi nuniganiklo kigolikmit havakhiyunmik tigomeaktomit atokhimaginaqtok aoyami tatikheotini. Uvagut Kitikmeoni Koapareseoyomi havakatigiteaktavut ilagiyavut Nasittuq-mi atkovaleavlotalo tonikhiyotiniq kahakhiligeagani KC-koni ilagiyaeqnik manikhakheoktonit ikayoktogeagani Kitikmeoni NWS-mi havaoheoyut. Kigolikpak nakunikhaklo ayikota una Nasittuqkoni havakatigeknigit Kitikmeoni BBE Expediting-kolo ("KBX") atoktitiyagani tikipkaeyagani aolaktitaganilo Ikayutit ilageagotikaktonik atogeakaktonik nahogiyaptiknik piyogaoneaktok 30%-mik agikligeakniganik manikhakhat. Nahogiyavut ilageagotikhat manikhakheotikhani holiyotit piyotaoneaktonik upiyotiptiknit Nasittuqkolo ukoa nutpaleaniginik havaohik atokhimaktologo.

SAEVANI (7) UKEONI

**NASITTUQ KOAPARESEYOYOK HANAYOTINIK
HAVAKHITAONIGA**

\$592M

HAVAKHIYOTIT AKITONIGA

30%↑

**KBX-KOT HAVAKHITAONIGANI
AKITOGAKNIGANIK**



Piyotigiyavut talvuna notagoktidgeagani ihoakhaklogilo KC-konik ilitakhiyotimik.

Neovigakhanik Atoligomayaoyok

Atoktilogo kigolik napa 2021-mi, KC-kot ahugotikalikhimayut ihoakhateageagani ilitagiyaoyotikput kagitaoyamilo kungeakhak. Piyotigiyavut talvuna notagoktidgeagani ihoakhaklogilo KC-konik ilitakhiyotimik. Una akhugut atokpaleatilogo ilitogiyogut una akhugut ihoatkiyamik havaoheoyomiklo ihomagiyakakloni pilakmat agitkiyamik. Una aolaktigeaktok ihoakhivaligeagani kagitaoyoami kungeakhak atoligomayaoyogukhimayok neovavikni piyotaoyomik pigahonik piyotikakhoni:

1. Inikhamogeagani Kitikmeoni Koapareseoyok ikayoktigiyaoloageagani ilaleotinigini manikhakheoktit Ukeoktaktomi
2. Takupkaktitpaligeagani ikayoktigiyaovut kanogileoklotalo manikhakheogotikaktut nutpalealigeagani ukonoga
3. Ilaoyomaligeagani manikhakheogotini atolaktonik/ikayoktikhanik akhukhaklogilo ilaleotiyagani KC-koni

Agiklivaleaniga Kagitaoyolikiyotini

Atoktilogo una ukeok nakoyomik pihimaliktavut ukoa piyotaoyut ihomagivlogit KC-kot kagitaoyami havaohiknik tohagakhaliykiyilo takukhaovaligeagani. Kagitaoyoami kungealeogakut kungeaknakhoyok, kagogogagat unipkanik inuknik taegoakhanik, hivonikhiyotini ikayoktigiyaotini ilaoyoniklo manikhakhoektonik, havagiyaolaktioniklo. Kagitaoyami kungeakhak nutami ihoaktok okaohivolo kahaktut Inoenaktut Inuktitulo. Havitaoniganit, takohimayogut 186%-mik amigaageakniganik kagitaoyami kungeakhak ihiveoktaoniganik.

KC-kot ihoakhivaliktalo takukhaonigiyamiknik LinkedIn.com-mi aginikhak holiveoloaktoklo manikhakeoktini ihomagiyakaktonik inuyohiknik tohagakhanik ukaveolaktomik. Ilihivaktogut saneonik tamat kanogilivaleaniginik holiyotiptikni takupkakhogilo ikayoktigiyaotini tohaktiyotikhaet havaktokhakheogotaelo. Piyogaoyonik ukoniga akhugotini manikhakheoktut kitolika kagikhitkiyaoliktut honanik ayogitaptiknik upiyotiptikniklo takukhaoteagotiptiknilo alanit manikhakheogotikaktonit amigaepaleahimaginaktok. Takovaleaginaktogut nakoyonik – atoktilogit ikitugaloet tatkiheotit upaktoahimalikhotalo aalanit manikhakheogotikaktonik ilagiyaenit ihomagiyagani manileogotikhat hatkikpaleayagani atoktukhat ikayoktigitogitilo ila pilimagitagaloavut taemaetokaginat ila ihomagiyakhaptiknik.

Ilagiyani, KC-kot takupkaekataknealiktut pigahut tatkiheotit natkagat tohaqtiyotini manikhakheogotini taogoaktaoloaktukhanik. Una tohaktiyut nuptiktaoneaktok tamakni Inoenaktut Inuktitulu ayikotaelo titigaktaoneaktut tuneokhaktalotiklo KIA-kot titigakvenut tamaeni Kitkmeoni nonagiyaoyoni. Umoga tohaktiyotikut nahogiyogut togaktiyotiloanik tohagakhanik nonagiyaoyonit atolaktaptiknik notagoktikpageagani tohaktakhaenik nonatakatiptiknit KC-kot holiyotainik havakhaniklo atolaktonik. Nahogiyakut hivolik taogoakhat umiga tohaktiyotimk kahakhiyagani KIA-kot AGM-giyani Tattiarnaqtuq-mi.

3.1M

AKILIKTAOYOK
NUNASIKOT
TIGOMEAKTENUT

20%

AVAKHAOTIKHAT
KIA-KOT

\$600K

TAMAETA TONIYAOHIMAYUT
KIA-KONUT

Nunasi-kot Tutkomavea

Hivoani 2021-mit, Nunasi-kot Tutkomavea nanminikaktut tamaenik Ilaoyotiloanik 50%-miklo Atonetoni G-mik Ilaoyotiloani Nunasi Koapareseyomi. Katimayit itkaeneaktut akhugotit atokhimaliktut nogoliktilogo 2020-mi ukeok umiktigeagani Nunasi-kot Tutkomavea toneokhaklogili Tutkomavikmi ilaoyotit aolaktigeagotini manenakniklo pikotini ilaoyotikaktonut Nunasi-koni.

Ilagiyaeni manilikiyotini atokhimayonik Ubluiqtirvia-mi 2020-mi, Nunasi-kot Tutkomaveop ilaoyotiloat toneokhaktaohimayut ilaoyonut QIA-konut, Kivalik IA-konut, KC-konulo. Taemaenigani, Nunasi-kot Tutkomavea ilaoyotikageaoktok Nunasi-koni, Nunasikolo atogakaliktut Tutkomavikmut akitoniganik kanitoani 3.1-mileatalamik. Tutkomavik taya pikaliktok umiga atogaoyomik ("ukageyaonmik itkaoyotimik") kitoniklolika aolaktigeagotini pihimayaoyok avalektoni ameakonik manilikiyotini.

Umikpaleaniga havaoheohimaktologo, piyotaoyok una toneokhageagani Tutkomaveop pikota RIA-nut ayikotani amigaenignik atoni nonani nonatakataoyut atoklogo Inuit Ilaoyotikaktunik Atileokvia monagiyani NTI-kot. In

Aheagut okaohikut, 20%-mik akileotaoyok kanitoani 3.1-mileatalap toniyaoneaktok Kitikmeoni Inuit Katimayenut, 29%-goyok Kivalikni IA-konut ameakogiyalo 51%-goyok Kigiktani IA-konut.

Ublomimut, kanitoani tukhiktutit Nonavumi Apikhoeyotigut umiktigeagani Nunasi-kot Tutkomavea inikhimaliktok havaohik. Manilikiyinit havakvea KPMG-kot havaliktut ihoakhageagani kigolikmi itkamtaksilikiyotini Tutkomavikmi. Hivoani nogonigani uma tatikheotip Tigumeaktit havakhineakut avalektomik okageyaomik itkaeyotiik, ikikligeaklogo ihoaktomik ilipkamayakhamik, piyakhaenik RIA-kot. KIA-kot monagiyakhat kanitoaneneaktok 6-hanataositalap.

Akileotaoyut havitaoneaktut agiktaoyagani Nunasi-kot Katimayenit katimatkilimikpata Tattiarnaqtuq-mi. Pihiaolaktut mangit ikikligeagotit honalika akiligakhat toneokhaktaoneaktut nonatakataohimayonut piyaohimalikat Itkaeyot Ilitokhaonmik Peyakniganilu Naonaepkut CRA-mit.

Koana.